

II

Određuje se da je J.P. MEĐUNARODNI AERODROM "SARAJEVO" D.O.O korisnik eksproprijacije.

III

Na osnovu ove Odluke može se pristupiti eksproprijaciji zemljišta označenog u tački I ove Odluke.

IV

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-31-5713/16
03. augusta 2016. godine
Ilidža

Predsjedavajući
Muhamed Omerović, s. r.

OPĆINA NOVI GRAD SARAJEVO

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", br. 7/05), i člana 37. Statuta Općine Novi Grad Sarajevo ("Službene novine Kantona Sarajevo", br. 30/09 - Prečišćeni tekst) Općinski načelnik, dana 04.08.2016. godine, verificovao je i donio

ODLUKU

O KOREKCIJI IZMJENA I DOPUNA REGULACIONOG
PLANA "DOBRINJA"

(Dvoetažna garaža kružnog oblika - ulica Trg Grada Prato)

Član 1.

Utvrđuje se Korekcija Izmjena i dopuna Regulacionog plana "Dobrinja" ("Službene novine Kantona Sarajevo", broj 35/06), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za planiranje izgradnje dvoetažne garaže kružnog oblika u ulici Trg Grada Prato, prema sljedećim urbanističko-tehničkim uslovima, odnosno na način:

- Namjena: dvoetažni parking kapaciteta 113 parking mjesta (suterenska etaža 71 PM, nadzemna otvorena etaža 42 PM).
- Na nadzemnoj etaži formira se otvoreni parking sa uređenim centralnim dijelom sa urbanim mobilijarom i elementima vode.

Član 3.

Korekcija Plana sastoji se iz tekstualnog dijela i grafičkog priloga. Tekstualni dio i grafički prilog korekcije Plana su sastavni dio Izmjena i dopuna Regulacionog plana "Dobrinja" ("Službene novine Kantona Sarajevo", broj 35/06).

Član 4.

Korekcija Plana je rađena za fazu urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Dobrinja", te da pribavi saglasnost nadležnih javnih komunalnih preduzeća.

Član 5.


Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva - Službe za urbano planiranje i stambene poslove.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Novi Grad Sarajevo, a naknadno će se objaviti u "Službenim novinama Kantona Sarajevo".

Broj 02/04-23-12076/16
04. augusta 2016. godine

Općinski načelnik
Mr. Semir Efendić, s. r.



KOREKCIJA IZMJENA I DOPUNA REGULACIONOG PLANA DOBRINJA

Dvoetažna garaža kružnog oblika - osnova suterenske etaže (kota -1,50, 71 PM)

M 1:1000



POSTOJEĆI OBJEKTI KOJI SE ZADRŽAVAJU



PLANIRANI OBJEKTI ZA KOLEKTIVNO STANOVANJE




ZELENILO



SAOBRAĆAJ


ZAVOD ZA PLANIRANJE RAZVOJA KANTONA SARAJEVO
list br.2



KOREKCIJA IZMJENA I DOPUNA REGULACIONOG PLANA DOBRINJA

Dvoetažna garaža kružnog oblika - osnova otvorene parking etaže (kota +1,50, 42 PM)

M 1:1000

-  POSTOJEĆI OBJEKTI KOJI SE ZADRŽAVAJU
-  PLANIRANI OBJEKTI ZA KOLEKTIVNO STANOVANJE
-  ZELENILLO
-  SAOBRAĆAJ

